

堯山堂外紀

堯山堂外紀卷九十四

晉陵蔣仲舒編

國朝

毅皇帝

武廟樂以異域事為戲又更名以從其習學鞋韞言則自名曰忽必列習回回食則自名曰沙吉教爛學西番刺麻僧教則自名為太寶法王領占班丹嘗命工人作盈尺小畫上數層畫喜佛及供養物所畫佛如番僧披衣而坐者蓋即上自狀軸下橫書正德十四年九月二十四日大護國崇聖寺太寶法王領占班丹宇用金書以此畫施于延府諸關其生以弘治辛亥九月正德庚辰間一星士推帝造為老松

樓鶴格松老將壞鶴立
不久至卒已果升殿云

武宗嘗自易名為壽命所司給御馬監太監天字
一號牙牌與之正德戊寅二月巡邊還文武官
具陣詞以迎其文曰恭惟總督軍務威武大將
軍朱負出類之奇才抱超群之絕藝以聖賢之
德專將相之權時因小醜跳梁遂率大軍征討
溪思遠慮後殿前驅陣方布於疆場賊已落於
陷穽上以安乎社稷下以慰乎臣民操御之精

湯武與之同烈戰攻之妙孫吳為之下風福及
當年慶流後裔班師有待觀示無疆某等欲罄
愚心同呈俚語詞曰曉來聽得平胡報工賈士
農開口笑一鞭傾倒虎狼巢萬騎踏平荆楚道
旌旗旋邊奏繳凱歌回光九廟將軍福力重如

山萬國千邦人倚靠右調寄玉樓春

是年冬駕幸維揚時

冰方合上開水何時解權璫彬對曰立春後始解然尚有旬餘日上曰春迎之即至矣即命迎春於揚之東郊明日百花盛開

河水盡泮萬姓駭觀惟穀動地

武宗幸薊之湯泉宮。女王氏隨行題詩賜之云。滄
海隆冬也。異常冰池。何自煖如湯。溶溶一脈流。
今古不為人間洗。冷腸。

武宗南巡道中見一村婦。令後乘載歸。因賦詞曰。
出得門來三五。偶逢村婦。謳歌紅裙高露足。挑
水上南坡。俺這裡停驂駐轡。它那裡俊眼偷睩。
雖然不及俺宮娥。野花偏有艷村酒。醉人多。正
未駕駐南都日。以泛龍舡為戲。忽欲幸蜀。諫者
皆不從。達上所。嬖娼號劉娘。娘者言上往吾不

能從上
乃止

寧庶人

先是寧藩世畜異志迨宸濠奸忌尤甚至是因上巡游無已儲或未定

外議籍籍
遂興異圖

正德己卯正月下旬有請紫姑鸞者將卜它事及
降乃書云天下蒼生未足愁三邊胡虜亦何憂
獨憐一片西江土不是當年舊日頭識者以為
寧王宸濠殆不免歟夫幾果舉兵殺守臣將犯
京闕其移檄省郡皆去正德年號只稱大明已

卯始悟不是舊日頭之說云

初宸濠之謀為不軌也嘗作秋懷詩有曰莫向西
風問彭蠡盤渦怒欲起蛟龍婁妃揆知其意嘗
泣諫之不聽因作早行詩見意曰鷄聲忽叫五
更月馬足先追十里風欲買三盃壯行色酒家
猶在夢魂中後宸濠兵敗成擒群小皆鼠竄獨
婁妃投水死宸濠檻車北上與監押官言往事
輒痛哭且曰昔紂用婦言而亡天下我不用婦

言而亡家國。又有句云。池臺春色知何在。紫燕黃鸝各自飛。

寧庶人既就擒。拘宿公館。以銅盃與盥洗。仍責取銀者。其習於奢侈如此。嘗作二律。貽巡撫王守仁。一曰。可憐輕棄牡丹莖。細掩重門晝不開。楊柳宮中和淚舞。芙蓉雨上帶愁回。痛思狗豎真非輔。始信狡童自不才。金馬玉堂歸去路。等閑惟有庶人來。二曰。懶與乾坤擔此憂。我今隨步

過瀛州清風明月人三箇荒草斜陽土一坵
去夢來俱是夢愁多愁少摠成愁許多心事憑
誰訴滿目黃花別樣秋狗監指劉養正李士實

校童蓋自謂也

劉瑾

陝西西安興平人景泰初以淨身進坐
內臣李廣奸黨充南京海子口軍賣繒

取用乾清宮災復發配又召回僉書正
德元年十月掌司禮監事提督園營與馬

永成谷大用張永羅祥魏彬立聚寺為八
黨四惡無忌僞傳詔旨變割成法謀為不

靴五年八月恭永械瑾因征寧夏安
化王歸疏瑾大奸一十七罪伏誅

南京守備太監劉瑯或以為即瑾昆季也瑾本姓
旦因典瑯狎遂冒其姓瑯自陝西河南鎮守至
金陵貪婪益甚資積既厚於私第建玉皇閣延
方外以講爐火有術士知其信神異也每事稱
帝命以動之饗其財無筭瑯有玉繚環值價百
鎰術士給令獻於玉皇因遂竊之而去或為詩
笑曰堆金積玉已如山又向仙門學煉丹空裏
得來空裏去玉皇元不繫繚環

廬江有監司某
者謝事懸車延

方士煉丹散信之如鍾呂煥生其夫人頗知書
史嘗戲問之曰丹成何以謝方士監司曰渠自
能點化不圖謝夫人曰渠既不圖謝何故以丹
法傳君監司曰渠謂我有仙風道骨故傳夫人
笑曰君垂涎點化志在貪財妄未聞蓬萊三鳥
乃有貪財神仙話聞其濟來謁之夫人曰金丹
若成當傳之壻於是監司有難色夫人曰尹得
金丹不肯傳壻君非方士之壻渠胡為獨肯傳
即監司終不悟居無何方士化為鳥有先生而
丹鼎從之夫人又戲之曰夜來方士去赴蟠桃
之會未知騎黃鶴去耶騎赤
鯉去耶監司默然長吁而已

江東有太守某者文雅風流頗著時名在郡二年
遣吏携二百金入京賂劉瑾求連化苞苴既入

矣。越數日，劉瑾事敗，伏誅。太守亦以錯刺落職。
初，太守遣賂入京也，尋慮事不諧，悔之，乃禱紫
姑仙以決疑。仙姑降筆曰：「幾樹甘棠，種未成，便
君何事苦經營。雷霆怒擊冰山碎，只恐錢神也
不靈。」

劉瑾既誅，餘黨逃竄。其義子劉六、劉七、趙風子、邢
老布、楊寡婦倡亂內地，歸為流賊。後被獲，有陳
姓者偽著軍諮祭酒，過衛輝時書一詩於驛壁。

云志氣軒昂今已休。傷心兩眼淚橫流。秦庭有
劍誅高鹿。漢室無人問。兩牛野鳥空啼。千古恨
長江不盡百年愁。西風動處多寥落。一任魂飛
到故丘。又曰碌碌男兒懶做官。赤眉混戰黑羊
山。閒來夜月敲金鎗。多少英雄破膽寒。攻河南
時揭一榜有能擒伊王者賞。及累世敵大軍者
罪及三族之語。至京師皆刷皮西市。

孫一元

字太初。號太白山人。本平涼宗室子。其母孕孫時見身歸寧。父母因生孫。

於其家適有不懲遂不復
繫孫帝籍乃冒前姓名云

正德間孫一元長寓吳越因家抗之南屏山其新
卜居詩云石上藤蘿對夕曛解衣長日坐來頻
稅回滄海真無計領略青山合有人養鶴似嫌
雙口累為漁又過一生身相逢惟是南屏老獨
樹柴門許結鄰

孫太初與殷廷夫泛舟西湖太初戴華陽巾被高
士服把酒四望謂廷夫曰替青蓮居士李白與

尚書郎張謂泛沔州南湖因改為郎官湖今日
予與子遊頗追蹟前事西湖因可為高士湖矣
時已極醉信口成長篇云我聞唐家李向一世
賢郎官之湖至今傳我今與子繼其蹟勝事豈
許管人專方冠野服興不減駕舡載酒凌蒼烟
千山萬山兩岼如群龍蜿蜒盡在几席前青天
落盃底白日行舟邊鼉鼉突兀波面出大魚小
魚爭避舡君把斗酒我歌扣絃天風下來雲葉

翩翩爛醉騎鯨遊崑崙巔。

殷近夫養二鶴每孫太初至輒相對舞太初愛而作詩贈之云爲愛使君雙舞鶴杖藜相過水雲鄉。入門瘦影當空見隔樹開行共我長。碧海青天憐昨夢朱碧瑤月聞圓吭他年結屋羅浮上。萬樹梅花待汝翔。

孫太初嘗以所佩日本小劍遺殷近夫因作公莫舞云晴空一夜走白螭河鼓下照寒江擘葛盧

之山元氣裂神物將化。天有為鐘頭驚見赤花。
古。轆轤純鈎皆莫數。年碧血。燐火明萬里陰。
風。觸體語帝王氣象佳葱。玉缸提携行相從。
座上酒酣公莫舞。要是當年隆準公。

李參戎汝盛南征功成着野服訪孫太初于南屏
山中既典棹舟湖上放歌飲酒於渚蒲沙鷗之
間晝日樂甚因謂西湖自坡仙逝後五百載無
此樂矣為作一律以志之云虎旅將軍功業新

也來林下放歌頻幾年。天地傷多事。此日江湖
合有人。菱葉亂迎青雀舫。波光忽動白綸巾。君
王若念南征意。乞與西湖寄此身。

孫太白之寓西湖也。與鄭繼之善。其夢繼之詩云。
不見平生鄭廣文。風塵側望隔青雲。殊方物色
偏憐。客雨夜燈花。頻夢君。隔葉山鳩高自語。避
人江鶴獨為群。眼中世事堪惆悵。塞北音書久
未聞。繼之亦有寄太白詩云。為問山人孫太初。

交情歲晚莫教疎。孤山梅。粵春相惱。滿地松筠。
日自鋤。江夏肯容禰處士。茂林初卧馬。相如知
君不廢。若溪釣書帛。能無寄鯉魚。

孫太初晚歲卜居吳興新築若溪草堂有詩曰白
沙翠篠淨江潭。新築堂成映色寒。旋有飛鳧臨
釣石。即看浴鷺傍清湍。扁舟此日鷓夷子。木榻
經年管幼安。長暇南鄰呼酒伴。一尊相對坐林

巖。

孫太白初談導引人疑其僂晚婚吳興施氏妻妹

李空同開之輒詩嘲曰范子無端出五湖西施

並載有耶無詩人只合鶯鶯伴施家今是大姨

夫見說仙人萼綠華萼綠華晉昇平中降羊權家麻姑亦降

蔡經家即防獅子河中吼背癢無言瓜浮爬文費

憲嚴相東歸訪孫太初值其晝寢孫故卧不起

父之費坐語益恭孫乃出又了不識還之及門

第矯首東望曰海上碧雲起遂接赤城大奇

大奇文憲出謂馭者曰吾一生未嘗見此人

王磐

字鴻漸高郵州人隸

崇禎在定山與善

王磐生富室獨厭綺麗之習雅好古文詞家於城
西有樓三楹日與名流談詠其間因號西樓嘗
分韻得楊字自詠其號云乾坤老棟梁雲霧開
屏障烟霞生几案河漢逼軒窗高據胡床坐指
坤元向居臨太白方門前列華岳三秦屋後迤
瑤池一掌 梁州 右壁廂掛萬丈璇璣斗柄
左壁廂接萬里錦繡封疆一重重直步到銀河
上琴橫新月釵倚斜陽朱研曉露筆掃穠霜陪

金母共住仙鄉。與白帝緊靠宮牆。我這里比南
軒。少了些雲日。炎蒸我這里比東坡。避了些鶯
花鬧。攘我這里比北海。躲了些風雪。飄揚詩狂
酒狂。更壓着元龍豪氣三千丈。忒風流忒踈放。
愛的是高卧天風。一枕涼夢。熟義皇。尾聲
托賴着臯陶禹稷賢卿相。扶佐着虞舜唐堯聖
帝王。因此上巢由得高尚。沐蒼冥寵光。吸清虛
颯爽。遙望着萬里蓬萊。慶雲長。

閏元宵無張燈者。故古詞云：依舊試燈何礙正德。
初。郵守好事。令再張燈。王西樓有曲云：重開不
夜天。再造長春境。復進三市月。又看六街燈。連
賀昇平。閏月今番盛。元宵兩度晴。錦模糊世界
重修。光燦爛乾坤又整。梁州。滄海上六鰲
山重重出現。碧天邊雙鳳輦。徃徃。巡行喜新年
更遇新時令。猜空詩謎。踏遍歌榭。醉番豪俠。走
困娉婷。飲不竭春酒。繩繩。扮不了社火層層平。

海上錦重重。五百座。琥珀歌樓再湧出。紅灼灼。
三千年。珊瑚寶井。又展開紫巍巍。十萬里。瑪瑙
長城前正後正。一年兩度元宵勝。酒有情。詩添
興。催逼的雪月風花。不暫停。運轉豐登。尾聲

那元宵盛張燈燦淡銀河影。這元宵連逐鼓

敲殘玉漏聲。管情取天上人間兩重慶。喜天清
地寧。愛風輕月明。這的是太平年。夜夜元宵四

時景。

是時高郵元宵最盛好事者多携佳灯美酒即西樓為樂公製詞令叢歌之此願

堯山堂外紀卷九十四

十二

田子吳也。至公老年，雖或秉心而少年好亭者，
猶然。公詩有云：是諱東道，遺燈火為我而燼破。
寂寥又云：年先已屆，諸年少。四座春風，按六公
後經荒歲，奇政閭閻，凋敝良宵，遂索然矣。及公
謝世，愈不復觀盛事。張絃有詩云：年征歲沒，萬
民凋太守，風流興盡，消火樹星，徒俱寂寞，惟餘
明月作元宵。又有懷公六言云：一自此翁去後，
人心無復風流。燈火樓中，夜話鶯花寺裏，春游
王西樓有：沉醉東風，詠千葉白桃花云：玄觀觀風
霜易老，武陵溪冰雪難消。香飄茱萸，魂清奪餘
醺。俏喜重重疊疊，瓊瑤生怕烟脂點污，着傍流
水橋邊，卧倒。

玉面梅有清江引閨中八詠煖帽云玉釵冷來雲
慢抵按上昭君帽。窗前雪意濃。簾外風寒峭。嫩
花頭。要特春護了。寒來云蒙茸紫貂籠。瑞雪暗
把香光惜。一團白玉溫。兩朵桃花熱。透靈犀。險
此兒輕漏泄。汗衫云輕衫短裁。防過暑。堪可包
香玉。穩千打罷時。歌舞收。迴處濕浸浸。似沾花
上雨。暑襪云凌波襪兒真箇罕。不肯教人看。霜
籠玉笋尖。水浸金蓮瓣。隔紗裙。幾迴偷抹眼。浴

裙云溫泉起。水權護體。帶濕雲拖地。翻嫌月色
明偷向花陰立。俏東風有心輕揭起。睡鞋云慳
紅軟鞋三寸整。不着地偏乾淨。燈前換晚粧。被
底勾春興。醉人兒。幾迴輕撥醒。棕履云玲瓏結
成雙翠鬘。兜的弓鞋。蓓苔沾翡翠根。露滾珍珠
面下瑤瑩。不愁春醉軟蒲靴。云銀絲細盤雙鳳
腦。緊束凌波鞞。青蓮而瓣開。玉笋雙尖。踏青
去來天氣早。

王西樓平生不見喜愠之色其家嘗走失鷄公戲
作滿庭芳云平生淡薄鷄兒不見童子休焦家
家都有開鍋竈任意烹炮煮湯的貼他三枚火
燒穿炒的助他一把胡椒到省了我開東道免
終朝報曉只睡到日頭高

太虛上人索題紙寫王西樓為作紅綉鞋一閃云
平地上白雲一片駕東風飛上青天任兒童牽
引且隨緣你道是閒遊戲我道是小登仙有一

日斷塵根歸闕苑

正德間闕寺當權往來河下者無虛日每到輒吹
號頭齊丁夫民不堪命王西樓有詠喇叭朝天
子二首云喇叭鎖哪曲兒小腔兒大官舡來往
亂如麻全仗您擡轂價單聽了軍愁民聽了民
怕那里去辨甚麼真共假眼見的吹翻了這家
吹傷了那家只吹的水淨鵝飛罷

佛事已無謂轉五方尤可笑王西樓作南呂一技

花潮之曰大揚幡。做道場。齊秉燭。齊神像。亂敲
鈸。驚地府。變柝鼓。振天堂。開動街坊。顯手段的
唐三藏。逞風流。轉五方。赤緊的行者能頑。又撞
着東家好攘。 梁州 頭直上連聲鉦。鉦耳邊
廂一片鐺。鐺撮擁着這夥能奔快跑。喬和尚他
道是才走回東土。又趕到西方。立追翻羅漢。直
碾上金剛。急波波似命死娘亡。忙劫劫似救火
奔喪撞的箇毘盧帽。刺一道光。簷躡的雙寶公。

鞋止兩條滑。頰扯的領。達麼衣。只半片精襦。手
慌脚忙。旋風般旋的頭昏脹。轉不及趕不上。跌
一箇海嘯朝天。大放光連叫收場。尾殼一
箇道。差三分兒。撞着顛折了項。一箇道。再一會
兒。難禁掙斷我腸。一箇道。早是我生來腦皮壯。
一箇道。也是我今生合當。一箇道。也是我前生
業障不轉。上千遭。骨頭痒。

強晟

字景明汝南人
秦府左長史

正德初關中盛傳朝議復欲起三原王公恕其
強景明上公詩曰八十耆年一品官歸來清節
雪霜寒雖然海內歸心在可奈君前下拜難
鷺恐疑威鳳起風雲長護老龍蟠三公事業三
槐傳留取完名久遠看蓋規之也

陝西車御史梁按部某州欲私一棧轎小童至州
命易門子吏目以無應車曰即途中棧轎小童
亦可吏目又以小童乃逆運所夫有驛丞諭其

意進言曰小童曾供役上官乃易之強景明戲作拽轎行云拽轎拽轎彼狡童兮大人要末句云可惜夷目却不知好箇驛丞到知道

南京王祭酒嘗

私一監生其人忽夢鐘出胯下以語人人因為句曰某人一夢甚曉蹊黃鐘鑽臂事可疑想是翰林王學士夜溪來訪舊相知聞者咸相與一笑

陳全

江浦人

陳全患瘡疾製叨叨令云冷來時冷的在水凌上
以熱來時熱的在蒸籠裡
空手時痛的
天靈

破顛時。顛得牙。閑控只被你害殺人也麼哥。
只被你害殺人也麼哥。真箇是寒來暑往。人難
過。

陳全與妓何瓊仙飲。適見雄雌雞交者。瓊仙請咏
之。其詞曰。女靈禽非走獸。風流事誰不有。只好
背地偷情。那許當場弄醜。若是依律問罪。應該
笞杖徒流。更加一等強論殺來。與我下酒。

戴宗吉

饒州有女尼從士人張生者。鄉士戴宗吉為詩贈之云。短髮鬢鬆綠未勻。袈裟脫却着紅裙。于今却去龍湫。僧敲月下門。

山堂外紀卷九十五

晉陵蔣仲舒編

國朝

戴大賓

字寅仲莆田人正德戊辰探花及第

時年十四授翰林院編修尋卒其宗以喪婦尼旅柩用繩縱橫束結甚固及發乃一白髮叟大駭異之棄屍于地以責奴從奴從莫能對其夜夢大賓曰此非故吾然向者貌亦非故吾叟固我前身上帝閻其苦學白首不第托生汝家誓享榮名以酬其志耳變形者不忘其初也父母由是罷悲泣納屍柩中以從斧屋

戴大賓八歲遊泮主師指廳上椅屬對云虎皮褥
蓋學士椅即對曰兔毫筆寫狀元坊主師大奇
之十三中鄉試有貴公來謁其父見戴戲庭側
尚是嬰稚以為業童子執也出一對曰月圓即
應曰風扁問風何嘗扁曰側縫皆入不扁何能
又出一對曰鳳鳴即應曰牛舞問牛何嘗舞曰
百獸率舞牛不在其中耶貴公大加嘆賞詢之
即大賓也已成鄉舉矣對語皆含刺云

於昌董氏二十嫁為朱俊妻三載夫亡生子儲
三歲董水漿不入口者三日或勸曰子在而
夫死為諒溝瀆無益乃強起飲食晝夜哭不絕
聲聞者憐之戴大賓弔以詩曰望夫歸夫歸定
何時兒啼夫不聞妻哭夫不知此身不惜化為
石汝兒無母當怨誰芳草年年青吁嗟夫兮歸
不歸兒勿哭兒哭傷母心汝翁棄汝去汝母
愛汝不敢嗔何日兒當言何日兒當步母養兒

兮。苦復苦。吁嗟兒兮。莫作潘郎。負阿母。後鑑果能樹立。常道為表。其間曰。慈節云。

楊慎

字用修。號升菴。四川成都人。年二十四狀元。及第。

正德庚午。揚州一士夫。偶遇樟柳神。因叩明春狀元何處人神云。川新都種檉。肅氏頭上名喬木。無灰易真。心用修行。慎既及第。乃知為蜀地姓名字也。

舊制殿試讀卷大臣。凡有血屬與試。俱請迴避。

待早才揚少師廷和在內閣其長子慎會試
列名第二將殿試廷和亦以迴避為請一不准
卽如常以入是年慎遂為大魁京師目為面皮
狀元有無各下送一詩於揚宅末云假使四公
皆有子狀元不識着誰填時內閣有四閣老故

云正德某科士子中揚用徐幹中論全篇而得
高第明年海內之士交相謂曰徐幹中論論
林先生所最重也於是購中論而讀者紛然京
師為之語曰秀才好請客徐幹儒極廉也只好

一遺良會
難再得

太宰夏松泉公七十揚用修壽以詩曰赤舄歸來
鬢未星紫垣光燭。雙涪陵山中宰相無塵事。河
上仙翁有道經春色。又驚梅蕊白薰風。幾換荔
枝青。停雲問月多篇詠。何日滄浪一共聽。

山東女子趙小錢年十五為賊所掠。罵賊不從。以
擗衣杆擊賊。過官事聞。詔旌其門。揚用修為賦。
擗衣杆曰戕賊金鉗。擊賊持擗杆。今見趙小
錢昔聞揚慙女。

相用修才情。吞世所著有洞天。玄記陶情樂府。總
陶情樂府。流贈人口。而頗不爲當家所許。蓋楊
本蜀人。故多川調。不甚諧。南北本腔也。摘句如
費長房。縮不就。相思地。女媧氏。補不完。離恨天。
別淚銅壺共滴。愁腸蘭焰同煎。和愁和悶。經歲
經年。又傲霜雪鏡中紫髯。任光陰眼前赤電。伏
平安頭上青天。皆佳語。它曲多剽元人樂府如
嫩寒生花底風兒味

刺刺諸闕一字不改掩爲已有蓋楊
多抄錄秘本不知久已流傳人間矣

揚用修浣溪沙云首夏偏宜淡薄粧。銅青衫子紫
香囊。清歌一曲送霞觴。羅襪凌波回洛浦。淡雲
輕雨拂高唐。紗厨今夜賀新涼。

楊用脩塞垣鷓鴣詞云秦時明月玉弓懸。漢塞黃
河錦帶連。都護羽書飛瀚海。單于獵火燭甘泉。
鶯閨燕閣年三五。馬邑龍堆路十千。誰起來山
安石卧為談笑。靜風烟。又詠柳。日垂楊。垂柳
管芳年。飛絮飛花媚遠天。金蘭抱卷寒食後。玉

蛾鬢雪暖風前。別離江上。還河上。拋擲橋邊。與
路邊。遊子魂銷。青塞月。美人腸斷。翠樓烟。

楊用脩有羅江怨四闋。押四藝字。最妙。其詞曰。離
亭月影斜。東方亮也。金雞驚散枕邊蝶。長亭十
里陽關三疊。相思相見。何年月。淚流襟上血。愁
穿心上。結鴛鴦被冷。雕鞍熱。○黃昏。画角歇。南
樓報也。遲遲更漏初長夜。茅簷滴溜。松稍霏雪。
帘窗不定。風如射。牆頭月。又斜。床頭燈。又滅。紅

爐火冷。心頭熱。○青山隱隱。遮行人去也。羊腸
鳥道。幾回折。雁聲不到。馬蹄又怯。惱人正是寒
冬節。長空孤鳥滅。平湖遠樹。接倚樓。煨得。鬪干
熱。○關山望轉賒。程途倦也。愁人莫與愁人說。
離鄉背井。瞻天望闕。丹青難把。衷腸寫。炎方風
景別。京華書信絕。世情休問。涼和熱。

揚用脩婦亦有才情。揚久戍滇中。婦寄一律云。鴈
飛曾不到。衡陽錦字何由寄。永昌三春花。柳花

薄命六詔風烟。君斷腸曰歸曰歸愁歲暮。其雨怨朝陽。相聞空有刀環約。何日金雞下夜。即又黃鶯兒。一詞積雨。釀春寒。見繁花樹樹殘。泥塗滿眼。登臨倦。江流幾灣。雲山幾盤。天涯極目空腸斷。寄書難。無情征鴈。飛不到滇南。楊又別和三詞。俱不能勝楊詞。云夜雨滴空階。傍愁人枕畔。來鄉心一片。無聊賴。淚眸懶指。狂歌懶裁。沈郎多病。寬腰帶。望琴臺。迢迢天外。懷抱幾

時開○霽雨帶殘虹映斜陽一抹紅樓頭畫角
收三弄東林晚鐘南天晚鴻黃昏新月弦初控
望長空披襟誰共萬里楚臺只○絲雨濕流光

愛青苔繡粉墻鴛鴦浦外清波漲新篁送涼幽

芳美香雲廊水榭堪遊賞倒金觴形骸放浪到

處是家鄉楊以議禮成水昌僑寓安寧適遊臨

女皆大理想秀才為楊羅致人呼為董牽頭諸
妻首欲淨其詩翰不可乃以精白綾作紙遺諸
伎服之使酒間乞書楊欣然命筆醉墨淋漓招
袖首重賞伎女諧歸裝漢成卷揭後亦知之便

快以為

楊用修在滇中與張含愈光最善含有寄用修詩
曰金馬秋風十載餘芙蓉深巷閉門居登樓莫
作依劉賦奉使曾傳諭蜀書卧病可憐天一柱
獨醒無奈楚三閭北來消息風塵動白首滄江
學釣魚又東觀聲名北斗齊鳳凰踪跡戍雕題
八千里外潮陽馬十九年來海上荻銅柱蒹葭
鴻鴈響錢城煙雨鷓鴣啼連宵數有懷人夢記

得分明錦水西。

草書百韻歌乃宋人編成以示初學者託名於羲之嘉靖間有一中書取以刻石而一鉅公序之信以為然有自京師來滇持以問楊用修曰此羲之草韻也楊戲之曰字莫高於羲之得羲之自作草書百韻歌奇矣又如詩莫高於杜子美子美有詩學大成經書出於孔子孔子有四書活套若求得二書與此為三絕矣其人愕然曰

孔子豈有四書活套乎楊曰孔子既無四書活套義之豈有草書百韻乎其人始悟

楊用修在滇中有懷歸詩墨橋南岸沉犀港雪嶺西連抱珥河開塞渺漭菟芽隔山川迢遞別離多汀洲春雨寒芳杜茅屋秋風帶女蘿心事未從詹尹卜生涯聊聽焚香歌後聲歸瀘已六十餘而滇士有說之撫臣弔者弔俗戾人也使四指揮以銀鐺鎖束用修不得已至滇則弔已墨

敗然用脩遂不能歸病寓禪寺以沒

用修在瀘州書辭胡

粉傳而作雙丫髻挿花門半髻之
諸伎伴腸游行城市了不為忤

張鰲山

張石磐安福人歸肅公之子少為翰林庶吉士其子鳳林名秩者又在翰

林三代皆解人
為宦朝一盛事

張石磐為南直隸提學所取文字專尚清新一時

陳腐者皆被黜江南文體為之一變其巡歷松

江適一巡撫劉姓者在松劉先發石磐設席餞

之贈以詩曰我送中丞君黃梅三月雨紫燕語

雕梁滑鶯坐春渚，風便快輕帆，花落怨東主人。
生貴適意適意應如許，其詩今寫在李塔滙寺
壁云

張鰲山按廬試士出孟子題不受於褐寬博亦不
受于萬乘之君視刺萬乘之君若刺褐夫後與
宸濠變械繫北上廬江知縣劉夢熊其同年也
因前為屬官處非其禮即乘間嘲之曰公素有
無君之心得此非誣張訝之因曰公考廬陽出

題一節已可驗矣公不覺為愧屈嘗有詩云沒
馬淤泥路轉賒看山好興濕雲遮僧房春盡渾
無主開適庭前木槿花後敗事以為詩識

張鰲山被罪赦還門下士往見酒間問公巡江北
有可笑之文否張云吾在徐州以馮婦善搏虎
為題一秀才云嗟乎馮婦一婦人也而能搏虎
不惟搏也而又善搏焉夫搏虎者何扼其吭斲
其頭剝其皮投於五味之中而食之也豈不美

哉舉坐皆大笑

常倫

字明卿沁水人與張石簪並揚煥榜進士常多力善射雖為文法吏時時擊附

注兩鞍騎而馳于郊諸僚保子弟從伙少年飲常前突拔上坐起角射咸不及問稍知為常評事故之奉大白為壽常引滿沾醉竟馳去弗顧又時過倡家宿至日高春徐起或參會不及長吏訶之教然曰故賤時過從胡姬飲不欲居薄耳竟用考詆判陳州庭晉御史以法罷歸益縱酒自放居恒從歌伎酒間度新聲悲壯醜麗稱其為人又好彭老御內術自謂得之神仙可立致一日省墓從外舅滕洗馬飲大醉衣紅腰雙刀馳馬塵絕從者不及前渡水馬顧見水中影驚駭墮水刃出於腹潰腸死年

僅三十四

常明卿有詩。弔韓信曰。漢代稱靈武。將軍第一人。
禍竒緣躡足。功大不謀身。帶礪山河在。丹青祠
廟新。長陵一抔土。寂寞亦三秦。至今爲中原豪
俠之冠。

唐臯

字守之。徽州歙縣人。嘗與鄭佐同榜。時臯年已三十餘。而佐方生。後佐年十九。與臯而。

九典臯而。皆同提。

唐臯在歙。庠日。每以魁元自擬。雖累蹶。場屋而志。

不怠鄉人誚之曰徽州好箇唐臯哥一氣秋闈
走十科經魁解元荷包裏爭柰京城剪柳多唐
聞之志益勵因題書室壁曰愈讀愈不中唐臯
其如命何愈不中愈讀命其如唐臯何又嘗見
人所持便面畫一漁翁網魚題曰一網復一網
終有一網得笑殺無網人臨淵空嘆息泊正德
癸酉甲戌果連捷經魁狀元及第

唐臯以翰林出使朝鮮其主出對命屬云琴瑟琵琶

堯山堂外紀卷九十五

十一

琶八大王一般頭面。臯即對云魑魅魍魎四小鬼。各自肚腸主大駭服。

薛蕙

字君采。亳州人。唐臯榜進士。

薛蕙有料。絲燈詩淮南玉爲盃。西京金作枝。未若
茲燈麗。擅巧昆明池。霏微狀蟬翼。連娟婢網絲。
煙空不碍視。霧弱未勝持。碧水點葱鬱。彩石染
萎蕤。霞疊有無色。雲攢溪淺安。婪蘭芬香氣。對
蠋映紅滋。明月詎須侈。夜光方可虫。

張子醇構西峯草堂薛君采題云山人卜築城西
郭。日。日。西。山。爽。氣。來。細。雨。濛。濛。丹。磴。濕。晴。雲。裊。
裊。翠。屏。開。堦。前。蔓。草。穿。書。閣。石。上。松。林。覆。奕。臺。
况有春湖可乘興。它時須作泛舟迴。

舒芬

進賢有石人澗相傳謂澗合則狀元出
人遂以石澗稱先生先生遂遊別跡梓

漢正德丁丑閩人劉世揚會試入京夢神
告之曰今年狀元名國裳世揚即以國裳
易己之字劉是科登進士
而舒狀无其字則國裳也

舒梓溪及第未幾即以言出為福建提舉作詩云

御筆新題。墨未乾。寸心耿耿。向長安。九重宮闕。
浮雲鎖。萬里江山。赤子寒。午夜人爭。搖柁尾。一
封誰肯。犯龍顏。鳳臺上。歸宜早。不作盲聾。喑
啞官。平生精於。夾文尤熟於。數學能決已之休
咎云。

舒狀元春進用重臺。意作詩曰。春風春日競春華。
春水春山春景佳。新柳戀鶯。戀柳好花迷蝶。
蝶迷花。尋芳子。入遊芳伴。買酒人。投賣酒家去。

是路号歸是路馬頭相對日頭斜又用曲牌名
作詩曰惟愛宜春令去遊風光猶勝小梁州黃
鶯兒唱今朝事香柳娘牽舊日愁三棒敲催花
下酒一江風送渡頭舟嗟予沉醉東風裏咲剔
銀燈上小樓宸濠所嬖幸妃名趙妃謂有
趙之妃也後為舒狀元所獲

崔桐

字采鳳
海門人
歸東

正德間崔桐以歲貢生卒業南雍丙子司成將考
選監生就鄉試者崔忽夢在一屋題柱曰文章

東山堂文集卷九十五
三
已冠三千士國學先標二十名覺告同舍生生
言子小試當列名二十然必為榜首將揭曉崔
又夢王大化餽以羊首同舍生又言王為丙子
榜首今以羊首餽子是亦冠多士之兆也後二

夢俱驗

舊制國學春秋二祭各衙門胙肉皆國子生押送
崔東洲值太常寺太常卿忽不相接崔投以韻
語曰吾聞千里能相見一見如何反拒之國子

使非遠。玉使太常辭。豈孺悲辭七科不第天留
意。四十無聞我自知。不屑教中承教誨。退而脩
首是吾師。太常卿得詩。亟延款之。申是其名益
著。

注應軫

字子宿。諱青。湖山陰人。

吳維新詩初任臨淮知縣。汪應軫其同年也。時為
給事中。送行詩曰。青年縣尹延陵子。耕劍豐城。
牛斗間。車馬風塵今日始。乾坤身世幾人閒。家

分吳越。一江水官隔。淮河萬里山。歌罷驪駒人
已遠。夕陽芳草對愁顏。不數月汪貶知泗州。果
然官止隔於淮河人。以爲識。

汪應軫由諫恒出。餘江右巡。歷郡縣。名山勝跡多
有題詠。登餘干東山書院。題云。趙相空懷汗馬
勞。紫陽曾此吊吳豪。乾坤何地忘淵聖。日月
中天讀楚騷。江水帶雲來晚棹。山風吹雨濕春袍。
前途疑是楊花泊。錯認鄱湖雪浪高。考之趙汝

愚嚴相請晦翁訓其子崇憲因註楚辭人皆服
其用事切實云

王廷陳

字稚欽黃岡人少為文頃刻便就多

又賦不可別父每扶杖呼曰大人奈何
輒雲海內名士即為翰林庶吉士詩已
有名其意不可一世僅推何景明而好薛
蕙鄭善夫故事學士二人為庶吉士師甚
炭重稚欽獨心易之時登院署中樹而窺
學士過故作聲驚使見大憲然度無如何
佯為不知也乃已當授官給事中用言事
故詔特予外補裕州守既中不屑州而以
諫出知當召益驕甚臺省監司過州不出
迎亦無所托疾人或勸之怒曰齷齪諸盲

官受廷陳迎耶當不愧死一日出候其師
蔡潮以他藩道者潮好謂曰生來候我固
厚而分守徒後來亦一見否且生厚我以
師故即分守君命也稚欽曰善乃前迎分
守而分守既下車數州吏微過當稚欽答
之十稚欽大罵曰蔡師候王先生見辱挺
身出悉呼共吏卒從守勿更侍一府中懼
伏亡致留者分守寔不能兵朝舖謀於蔡
潮潮為謝過稍給之僅得夜引去於是監
司相戒莫敢道裕州而恨稚欽益甚為文
致逮下獄刑秩歸家居愈益自放達官貴
人未講文好見者稚欽多蓬首垢足囚服
應之問衣紅紵穿衫跨馬或騎
牛嘯歌田野間人多望而避者

王廷陳贈方士詩云仙客芝田傍白雲偶逢鶴馭

到人群酒酣射覆多奇中歌罷談玄總異聞仗
劍向幽驅鬼物焚香當畫下神君人間妙術渾
難盡欲續齊諧志怪文

王稚欽晚節詩律尤精好縱倡樂有聞第一首花
月可憐春房櫳映玉人思繁纖指亂愁劇翠蛾
顰授色歌頻變留賓態轉新曲終仍自叙家世
本西秦又一書答人云綺席屢改伎倆雜陳絲
肉競奏宮徵暗和羲和既迷蘭膏嗣輝逸興狎

棕干霄薄雲禮廢罰弛履遺纓絕俱妙極形容
可謂才子

仁和江暉為翰林修撰好以奇癖字作文初若不
易解者解之得平平耳主稚欽有詩嘲之云江
生突兀揚文風。千奇萬怪難與窮。博物豈惟精
爾雅識字何止過揚雄古心已出丘索上遂旨
或與神明通。求溪索隱苦不置。一言忌使流俗
同。今第大篆逼鐘鼎。絕藝耻作斯邕等生也為

文違弟書一出皆稱二難茲縱有楚史不可讀
鴻堂觀者徒張目少年往往致譏評生也不言
但捫腹君不見好醜從來安可期豪傑有時翻
自疑伯牙竟為知音惜卞氏能無抱璞悲請君
寶此無易輒聖人復起當相知

陳沂

字魯南號石亭丁丑年凡入翰林者皆
有一譯名如沂喚做陳木匠鄭應喚做

廊響馬馬汝驥喚做馬二
姐皆以其狀貌相似而言

陳魯南謝官東歸小至舟泊衢城下灘聲月色愴

然有懷賦詩云倦客東歸一繫船。天涯行役自堪憐。空江月色孤城下。永夜灘聲獨枕前。豈有微勞酬厚祿。祇餘衰病寄殘年。愁長未覺寒更減。星斗惟看直北懸。

王臬

字汝陳
全壚人

王汝陳自四明解任赴萊州過清江有感劉寵一錢之事作詩云鑿井耕田意自真。堯民誰解識堯仁。百錢出餞劉君者。猶是當年好事人。臬嘗

與任元朴書曰鄙心自盟不欲於舊裝衣攜一物以歸故鄉其廉靜無求不見可欲如此

黃佐

字才伯號太泉香山人

黃才伯詩有倦游却憶少年事笑擁如花歌落梅自註云欲盡理還之喻蓋此公作美官講學恐人得而持之也詞林傳以為笑

敖英

字子發號東谷清江人

敖東谷壯歲因蹴死皮工逃入寧州年久比其反

也則妻議他嫁迎婦者已在門厨中酒食亦具
適教公突歸方始散去或作詩云傷心鴛侶乍
分行鴻斷鱗潛十五霜歸馬不隨今夜月桃花
應向別園芳公自念家貧難娶隱忍與居連生
二子公既貴竟啣其結髮欲背已而改適為南
京主事時不挈以自隨乃於留都納次室極巧
慧善承事公甚嬖焉然卒無子而子皆正室所
出不教以詩書及長但事生產作業公著綠雪

亭雜言嘗病朱買臣事蓋亦有爲而發者

堯山堂外紀卷九十五終

堯山堂外紀卷九十五

十一